

An illustration in a painterly style. On the left, a young boy with dark hair, wearing a striped shirt and orange pants, stands on a dirt path. He is looking towards a character on the right. The character is a yellow-orange trash can with a face, arms, and legs. It has a surprised expression with wide eyes and an open mouth. The trash can is surrounded by various pieces of trash, including a green plastic bag, a brown paper bag, and some crumpled paper. In the background, there are rolling hills under a purple and blue sky. The overall scene is set in a rural or outdoor environment.

Kartoizko kometa ibiltaria

Zakarrontzi batean bazen kartoi puska bat, norbaitek bota kartoi puska eder eta azkarra.

Kartoi puska horrek ametsak bazituen... Bai! Jostailua izan nahi zuen; haurren artean egoiteko.

Egun batez, gizon bizardun bat zakarrontziaren ondotik iragaiten ari zelarik, kartoiak erran zion:

– Heeup! Errazu! Jostailua izan nahi dut.

Gizonak erantzun zion:

– Baina nik ez dut jostailurik behar!

Eta aitzina joan zen.

Andere bat iragan zen orduan eta kartoiak deitu zuen:

– Heeup! Anderea! Jostailua izan nahi dut.

Baina andereak ez zion begiratu ere.

Handik laster, mutiko koxkor bat pasatu zen. Orduan, **itxaropenez** beterik, kartoiak erran zion:

– Heeup mutil! Jostailua izan nahi dut!

Hori entzun orduko, mutikoak:

– Horixe bai behar dudala jostatzeko! Kartoi honekin zer egin nezake... Bai, horixe, kometa bat! Munduko kometarik ederrena egingen dut.

Kartoi puska eta Eneko izeneko mutiko koxkorra, biak bozik ziren. Eneko lasterka joan zen etxera eta bere logelan sartu. **Arrunt** hasi zen lanean.

Zakarrontzi: zikinontzi.

itxaropenez: esperantzaz.

Arrunt: berehala.